

金

石

萃

編

金石萃編卷七十二

賜進士出身 誥授光祿大夫刑部右侍郎加七級王昶撰

唐 三十二

修孔子廟碑

碑連額高一丈五尺九寸廣五尺八寸二十一行行六十字隸書額題魯孔夫子廟碑六字篆書在曲阜廟孔

朝散大夫使持節渝州諸軍事守渝州刺史江夏李

邕文

正議大夫使持節宋州諸軍事守宋州刺史上柱國

范陽張庭珪書

嘗觀元化陰藏上帝鑿造雖道遠不際而運行有符場
推大桓宣孝神用建人統之可復蒲天秩之將積其揆
一也管者蚩尤怙賊欣弟騎兵巨力多徒合緒連禍則
黃帝與聖首出羣龍推下濟曰君人儆勤略曰戡亂逮
至橫流方割包山其谷轉死爲魚鱸食不粒則堯禹竝
跡扶振隱憂道百川康四國粵若殷禮缺周德微宋公
用郇楚子問鼎則夫子卓立粲然成章闢邦家之正門
播今管之彝憲此天所旨不言而成化聖所旨有開而
必先其若是也故夫子之道消息乎兩儀夫子之德經
管乎三代豈徒小說蓋有異聞夫亭之者莫如天藉之

者莫如地教之者莫如夫子且沐其亨而不識其道則
不如勿口荷其藉而不由其德則不如勿運固曰消息
乎兩儀者也夫博之者莫如文約之者莫如禮行之者
莫如夫子且會其文而不揚其業則不如勿傳經其禮
而不啟其致則不如勿學上代有曰焯序中代有曰宗
師後代有曰不訓固曰經營乎三代者也意虞舜之美
不必至是贊而大者進聖君也夏桀之惡不必至是擠
而毀者激庸主也伊尹之忠不必至是演而數者勉誠
節也趙道之逆不必至是抑而書者誅賊臣也至若論
慈廣孝輔仁寵義職此之由於是君臣之位序父子之

道明友朋之事與夫婦之倫得雖服日開覺膏雨潤黷
和風清扇安足喻哉偕如九皇繼統而政醇七聖同年
而道合雖事業廣運偕理濟口時未有溥遊大夫僻居
下國德教既往言滿方來廟食列邦不假手於後續君
長萬葉畢歸心於紫王若此之盛是日騰跨百辟孤絕
一人曷成名可稱取興爲大者已 我國家儒教浹

寓文思冥天伸吏曹日追尊逮禮官日崇祀侯襲聖於
人爵尸奠亨於國庠是用大起學流錫類孝行敦悅施
於方國光覆彌於靡宗三十五代孫嗣襲聖侯璉之字
藏暉洎族賢元亨等或專門碩儒夙墜于緒或餘波明

準克揚朕聲乃相與合而謀曰夫墟墓之地禮曰自哀
聽訟之樹鸞云勿剪一則遇事遺殘一則感物允懷效
乎大聖烈風吾祖鴻美故國封井舊居以鬱歎宜其悚
神馳魄靡行膜捧陳齋祭首嚴祠樹纁垣日設防刊豐
石曰爲表兗州牧京兆韋君元珪字

王國

周親人才懿德明啟風績休有名教長史河南源晉賓
字光國賢操孤興清節相遠納人日禮成俗於師司馬
天水狄光昭字子亮相門克開雅道踵武聞義必立從
事可行錄事參軍東海徐仲連功曹成陽蓋寡疑倉曹
太原王道淳壘農楊萬石戶曹博陵崔口連壘農楊履

驪兵曹太原王光超范陽張博望法曹安定皇甫恮東
海于光彥士曹滎陽鄭璋參軍事博陵崔調扶風竇光
訓河東裴璿隴西李紹烈□□□儀傳□南陽樊利
貞曲阜縣令鳳門田思昭丞河間劉思廉主簿吳興施
文尉清河晏應楷等宦序通德儒林秀士昇堂覩與遊
聖欽風僉同演成乃□終始其詞曰

元天陰隲大明虛鏡神不利淫物將與正凡曰投艱在
此逢聖吞沙荐虛軒黃庭定襄陵北災夏禹文命周道
失序夫子應聘刪詩述史盛禮張樂雅頌穆清訓詞昭
灼片言一字勸美懲惡誘進後人啟明先覺六順勃興

四維備作元功濟古至道納來首出列聖席卷羣才大名震耀廣學天開蒸嘗而高誦習窮核 帝念居室

日光壽宮建侯于嗣環封厥中孫謀不泯祖德斯崇乃刊聖烈克廣休風

建 大唐開元七年歲在己未十月乙酉朔十五日己亥

碑兩側題記

兩側各廣二尺四寸二分共唐宋金元題名十三段第一段五行行十四字左行正書

門人徐泗節度掌書記殿中侍御史內供奉賜緋魚

袋杜兼 童子高貧 大唐貞元七年辛未歲二月

八日 廼謁拜奠

又四行行七字六字不等左行正書

轉運使王純臣奉 詔專詣登萊密三州賑卹恭謁

先聖祠下 嘉祐癸卯正月廿三日

又七行行十三字或十二字二十字不等左行正書

宋熙寧六年館閣校勘呂升卿奉 勅察訪京東路

十月初六日自郡率官屬同謁 祠下勾當公事官

律學教授方希益監南京鴻慶宮蔡堪潁州推官陳

祐甫其州楊子縣令歐陽成 縣主簿裴衍聖公孔

若蒙許州舞陽主簿王佐同來

又前六行行八字九字後三行行十三字十二字各不齊俱左行正書

宜義郎權發遣提舉京東西路學事程振率州學教

授辛炳同謁 先聖廟下因奠 林家政和元年九

月廿六日

明年四月十二日擬以職事再過

闕里同管勾文字官劉詢奠謁 冢廟

又五行行十字左行行書

政和改元被 旨修飾祠宇京東路轉運使陳知存

點檢役事恭謁 宜聖時季秋十八日謹題姪鐸侍

行

又五行行九字
左行正書

政和丙申浴沂之月莆陽陳國瑞按行學政取道閩
里修謁 廟庭觀手植檜及連理木從至者屬官焦
百祿

又五行行十
五字正書

奉政大夫應奉翰林文字同知 制誥兼 國史編

修李子易因馳驛至同 朝散大夫泰寧軍節度副

使兼兗州管內觀察副使劉瑋恭拜 廟下大定十

七年四月初九日

又三行行二十
三字正書

朝請大夫東平少尹兼山東西路兵馬副都總管提
舉學校事李幾說被檄之徐州因得奠拜一聖師林
廟明昌二年十月初七日

又二行行十
六字正書

明昌二年十二月初四日范陽王肩元奉命過

魯祇拜林廟

又六行行八
字正書

中山趙充馳驛道出曲阜敬謁先聖祠下時承安
改元之明年秋二十有四日題漁陽李奕里人郝无
咎與焉

又

入行行三十
一字正書

維年月日國子助教除山東東西道肅政廉訪司照
磨于欽謹昭告于 大成至聖文宣王維 王德同
太極道侔元氣集厥大成垂訓萬世於赫事功拔聖
之萃 王祀萬年魯廟有歸泰山可頽魯宮巍巍河
海可竭魯墳業業望魯有年今始魯游春風沂水瑟
音悠悠登降有嚴洋洋珮璆敢不肅恭以承 神休
延祐庚申春二月 詔振臺綱 山東廉訪司照
磨于君思容乘傳經曲阜適上丁有事于 先聖以
使禮與祭 衍聖公謂君令備嘗師成均特具章服

行事爰有祝文孔顏孟三氏子孫教授王不矜學正
藍民信請誌于石君益都人思容字也

又

三行行十
五字正書

真州吏劉宗煥馳驛押運碑亭木植至闕里瞻拜

林廟至元六年八月十二日記

碑陰題記

共二段第一段十一
行行十五字正書

僕鄉爲令長山被檄泰安嘗謁 宣聖廟歷觀前人

碑志自漢魏以來代無不修其舊制稍隘未足以副

天下之望茲者 朝廷右文命開州刺史高公曼卿

特爲增葺凡弊者新之狹者廣之下者高之舊所無者創之莫不曲盡其善僕與公有一日之雅喜而謂曰公爲吾儒獲膺此委而能大其規條俾雄麗如此可謂無負矣明昌辛亥復因奠拜過此安陽赫姓十月二十有七日題

又十字行約
十字行書

乙未歲二月廿有二日古究謝彥實遼海王萬度來
自任城敬謁 廟下因賦詩一章謹題於此

聖道遺宗主干戈隔歲年相傳周禮樂曾照魯山川
日月輝光實乾坤氣象全 東家典形在喬木冷叅

天

夫子廟碑為渝州刺史李邕撰宋州刺史張庭珪書

邕語亦似知尊夫子者第任書可耳不當遂任文也

庭珪官至太子詹事著直聲家藏二王墨蹟甚夥書

小史謂邕所撰碑碣必請庭珪書此亦其證也

舟州山人

續稿

舊唐書張庭珪傳庭珪素與陳州刺史李邕親善屢

上表薦之邕所撰碑碣之文必請庭珪八分書之庭

字作廷邕傳同

金石文
字記

案舊唐書邕本傳云開元三年擢為戶部郎中左遷

括州司馬後徵爲陳州刺史十三年元宗車駕東封
迴云云據碑立于開元七年邕署銜爲渝州刺史當
山左遷括州司馬時已轉渝州而史失書也廷珪傳
出爲沔州刺史又歷蘇宋魏三州刺史與碑言守宋
州刺史合惟勲爲上柱國亦從略尔廷珪與邕親善
屢上表薦之邕所撰碑文必請廷珪八分書書之今
此廟碑亦其一也碑載三十五代孫嗣襄聖侯璿之
字藏暉宰相世系表璿之字藏暉都水使者襲文宣
公攷璿之襲封襄聖侯當開元五年其進封文宣公
在二十七年故碑惟言其初襲封也碑中列兗州牧

京兆韋君元珪字王國長史河南源晉賓字光國司
馬天水狄光昭字子亮元珪附子堅傳云先天中銀
青光祿大夫開元初充州刺史卽稱兗州牧是也志
稱京兆河南太原等府三府牧各一員兗州旣升爲
大都督府宜有牧矣狄光昭見世系表云字子亮職
方員外郎碑後又載錄事參軍東海徐仲連等名案
職官志大都督府錄事參軍事二人兗州旣屬上都
督府此碑列錄事參軍惟徐仲連一人與中下府同
功士二曹各一員餘曹各二員正與志符至志載開
元元年十二月改錄事參軍爲司錄參軍今碑在開

元七年猶稱錄事所未審也碑陰辛亥為明昌二年
 案明昌元年三月詔修闕里孔子廟降錢七萬六千
 四百緡據此題乃知董其役者高曼卿也又乙未歲
 題并詩不著時代据作者為遼海王萬度斷非宋人
 而詩云干戈隔歲年或是金之大定十五年或是蒙
 古太宗七年也兩側題名自上而下以次錄之凡十
 三段明以後概不及何夢華云碑陰額間尚有元人
 題名墨蹟數行情無人拂拭之

山左金石志

按碑書趙盾作趙道石墨來齋皆不解其故檢諸
 字書亦未有盾可與遁通用者然盾有隱蔽之義

劉熙釋名云遜也跪其後避以隱遜也据此則盾作遁似亦可通矣碑兩側題名唐人一段杜兼兩

唐書有傳云兼字處宏相州洹水人正倫五世孫

舊傳作京兆人

建中初進士高第徐泗節度使張建封表

置其府積勞爲濠州刺史此碑題名有殿中侍御史內供奉則兩傳所無也宋人五段內王純臣有一詩見厲鴛宋詩紀事題是賀岷州太守种誼破鬼章而於純臣事蹟不詳程振辛炳宋史俱有傳程振字伯起饒州樂平人入太學徽宗幸學以諸生右職除官爲辟雍錄升博士遷太常博士提舉

京東西路學事請立廟于鄒祀孟軻以公孫丑萬
章樂正克等配食從之辛炳字如晦福州侯官人
登元符三年進士第累官至監察御史兼權殿中
侍御史金人四段元人三段內于欽字思容益都
人歷官兵部侍郎撰齊乘六卷至元五年蘇天爵
序此碑題延祐庚申在至元前二十年也餘俱無

攷

王仁皎碑

碑連額高一丈五尺六寸廣五尺七寸二十二行行
五十四字篆書額題御書二字正書末右羽衛一行
亦正書在同
州府大荔縣

唐故開府儀同三司贈太尉益州大都督上柱國祁國
昭宣王公碑

□□天命帝于萬邦維坤配乾母萬物以親九族□父
之屬尊□□百官□□□□□□□□□□□□□□□□
祁公□□□□□□□□□□□□□□□□諱仁皎字鳴鶴太
原祁人王子賓天啟靈僊之族司徒衍□大忠義之門
□□□□□□賢□□□□□□□□□□□□□□□□□□□
□□□□□□刺史考文洎贈右僕射續戎前烈啟迪後
人公之生也膺□靈之禎體□□□□禮□□□□□□□
□□□於□□□□□□□□□□□□□□□□不北而養

之以蒙智周無際而處之以然故實勝於文行口於譽

其隱德也口口不口其口口也口口口口口口口口

口口口口口口口口口口兵應將帥舉授甘泉府果毅遷

左衛中郎將上昇春宮口口口口口口擢將作大匠口時工

口口口口口口口口口口口口口口口口口口口口

內禪引伸外戚懷榮畏滿狀劇思閑公既深辭以職昏

口口口之口散口口口口之禮口口公口口開府儀同

口口口口口口口口口口口口戶三千實賦三百公於

是寓情宴喜口述朝行人告嘉猷口而人莫口口口口

口口口而人莫知口不口口於口口口口口口於口口口

□□經曰明明天子擇賢共理瑣瑣則無應仕不
識不知□□有已善矣□□□□□□□□□□外
□□□□□□□□□□若□□□□□□退事不事而
懸解爲不爲而理會一以無□□之□□□無□□之
□所□□□□行中□歟後之人中□歟後之人□□
□□□□□□而蹈高軌也享年六十有九開元七年
歲次己未四月□未朔廿日戊寅薨於京師□上□焉
設以大□□□□□□□□□□□□□□□□追贈
太尉益州大都督賜東園秘器含襚賻錫率加□禮乃
命尚書彭城□□知□□□□□□□□□□□□□□

□□□爲□□□□□南安侯寵承宗持節弔祭左庶

子白□慎倅焉公卿命□更弔□喻溢巷填門爲□□

□□□□□□□□□□□□□□□□□□□□□□

□□□□夫天作聖合必起大邦故軒妃美於西陵周

婦□於東海公□□之慶□□二十□□或□□□□

□□□□□□□□□元女□□□□禁業參□石內被

螽斯之德外偃關雎之化門風□□也如彼□□惟力

□君□心□□□□□□□□□□□□□□□□□□

□□□□□□□有才子八族我盈其□□王有理臣十

人家□其□□□□□史□□前聞有□□□□□□□

右羽衛將軍口檢校幽州都督節度

下

舊唐書仁皎本傳仁皎以開元七年卒令張說爲其碑文元宗親書石焉攷兩書本傳所載並合惟擢將作大匠後轉太僕正卿新書不之及耳碑自歐趙至今從未著錄

關中金石記

按仁皎明皇廢后王氏之父也唐書后妃傳稱同州下邳人碑云太原祁人者舉其族望也碑文張燕公所撰而明皇親書之額題御書二大字不審出何人

筆

清研堂金石文跋尾

按碑多殘闕然所存者考其歷官多與史合文云

王子賓天啟靈應之族司徒衍口大忠義之門太原王氏出周靈王太子晉之後所謂王子賓天者是也後漢王允太原祁人少好大節有志立功累官豫州刺史討破黃巾後拜司徒所謂司徒衍口者是也祖諱已泐考諱文洎唐書王皇后及仁皎傳俱不載其父名賴此碑猶存王皇后傳獨舉其先世爲梁冀州刺史神念之裔孫而不及其他神念梁書有傳太原祁人好儒術明內典普通中累官使持節散騎常侍爪牙將軍仁皎傳則無一語及其先世者仁皎小字阿忠亦見王皇后傳碑所

不及也仁皎以開元七年四月口未朔廿日戊寅
薨泐朔日一字則己未也其時飾終之禮極隆燕
公文御書碑恩榮無與比通鑑綱目載其子駙馬
都尉守一請同賢孝謹例築墳高五丈一尺上許
之宋璟蘇頲諫而止越四年王皇后廢守一賜
死恩澤遽替此在仁皎未嘗不以早死爲幸也碑
末右羽衛將軍一行下泐其半不知何謂

李思訓碑

碑高一丈一尺三寸六分廣四尺八寸五分
分三十三行每行七十字行書在蒲城縣

唐故雲麾將軍右武衛大將軍贈秦州都督彭國公益

曰昭公李府君神道碑

并序

族子□□□□□□撰并書

觀夫地高公族才秀 國華德名昭宣沖用微婉動必

簡久言必典彝人之儀形□以為□□□□□□□□

□□□□□□□□□□□□□□□□□□□□□□

□□□□□□□□守中轡重養福亢宗以長其代邁德

以閱其門者其惟我彭國公歟公諱思訓字建隴西狄

道人也□□□□□□□□□□□□□□□□□□□□

□□□□□□□□□□□□□□□□至信徒於秦克復

其任子仲翔討叛羌于狄道子伯考回家焉洎孫漢前

將軍廣子侍中□十四代孫焉□□□□□□□□

□□□曾祖□□□□□□□□□□□□□□□□

卿諱叔良原州長史華陽縣開國公贈寧州刺史諱

孝斌或集事雲雷擁旌為將或□光 日月□□□

□□□□□□□禮以□□□□□□□□□□□□

□□□□□□□然寡欲超然遠尋好山海圖慕神仙

事且束以名教阻於從遊乃博覽羣書精慮□藝百□

偕妙一□□知□□□□□□□□□□□□□□

□□□□□□□□□□□□□□□□□□□□□□

忠益之論不關於言非侯度之譽不介其意夫如此可

以近大化漸家口功烈

口口口口口口口口

口口口口口口口口口口口口口口口口口口

舉子贊禹甘生相秦莫可得而聞已十有四補崇文生

舉經明行修科甲明年吏口以文翰擢口口口口口口

口口口口口口口口口口口口口口口口口口口口

口口口口未幾加朝散大夫滿歲除常州司倉叅軍事

出納之恡職司其憂蓋小小者于時也鼎湖 龍昇口

口口口口口口口口口口口口口口口口口口口口

口口口口口口口口口口口口興二口之歎近關而出

因知所從臨河而還復將安處俛轉揚州江都宰公

日五行四時十二月□□爲□ 五音 六律□□ □

□□□□□之多□□□□□□□□□□□義□

其□情敷祐話言所以廣德化扇揚和氣所以暢仁心

及履霜堅冰終風折木公歎曰天□□□□□□□□

□□□□□□□□□□□□□□□□□□

□□□□□以□家□詬俟時變名求活所恨南陽宗

子未舉勤王西京宰臣不聞復 辟者曠十有六載及

□□□□□□□□□□□□□□□□□□

□□□□□□□□□□位莫非其人徵拜太常寺丞漸

也未月遷太府員外少卿五旬擢宗正卽真彤伯加隴

西郡開國公食邑二千戶□□□□□□□□□□□□□□□□

□□□□□□□□□□□□□□□□□□□□□□□□□□□□

□□吹傷嗣害 國誘關通之邪甘言悲詞隳譏巧之

譖助逆封己害正亂朝公密奏封章累□成沃□□□

□□□□□□□□□□□□□□□□□□□□□□□□□□

□□動率□迴□納□慶之諛開臣禍之北放逐勲舊

慰薦殺離后族握兵黨與屯衛仡仡賈勇凶凶作威持

戟□其□□□□□□□□□□□□□□□□□□□□□□

□□□□□□□□或□□□□□□□□□□□□□□□□□

摩飛白鳥之難然以楚兵致討嘗懼季良淮南荐凶獨

三十一卷之二
嶽深□見聖始作□於不□□□於□□□□
□□□□地之紀導□□之□□□□之□□□□
□□翼皇道決策謀府經德智囊而日月有除霧露成
疾莫可救藥誰能度思嗚呼春秋六十六以開元□年
八月□□□□□□□□第□□□□□□

百石葬日官給諡曰昭公宜家魏國夫人竇氏德心守
彝禮容宏矩□□□□□□□□□□□□□□□□
□□□□□□□□□□□□□□□□□□□□□□□□
□□□□□□□□□□□□□□□□□□□□□□□□
月廿八日合祔陪于
橋陵園禮也姪吏部尚書

兼中書令集賢院學士修國史□□公□□□□□□
 □□□□□□一□□□□□□□□□□□□□□□
 □□□布和宏恕以歸序刑器有典軌物有倫嘗追如
 父之恩是切加人之感相與公之長子朝議大夫魏州
 別駕□□□□□□□□□□□□□□□□□□□□□
 □□□□□□□□□□□賢院昭道等並才名用譽業尚
 居多至性純深終天孔亟嘗恐竹□紀事未極聲華石
 □□□□揚風烈□□□□□□□□□□□□□□□之□
 □名□之□□□□□

麟定時秀人才 國工詩書樂地典禮良弓率心載

德濟義輸忠湖海雅度□□清風乃□槐集□□□□

伊昔□□□□窮□□□□□□□□□□□□

□□□□通赫赫復□振振秩宗三思膏禱

諸韋荐兇憂纏家國氣薄華□□□□□□□□

同□□□□□□□□衝□□□□□□□□雄□□□

□□□□□□□□□□□□□□子惟孝靈龜是從

桐栢烈烈碑闕崇崇盛業何許佳城此中

李北海翩翩自肆此雲麾將軍碑九著者將軍名思

訓畫品在神妙間碑辭絕不之及豈古人以藝為諱

耶兪州山人稿

雲麾官街也其碑有三一在關中一在良鄉一在楚
中關中者乃李思訓碑雖殘缺猶可揚燕楚兩通今
罕傳不知係何人碑想石亡久矣

書畫
跋

碑在蒲城楊用修謂已斷正德中劉遠夫御史以鐵
束之又謂已亡朱秉器又謂良鄉亦有此碑蒲城者
爲趙文敏臨書今蒲城碑尚在未斷無有鐵束事且
蒲城李思訓葬處北海真蹟的非文敏所能良鄉本

肥媚文敏書無疑

石學
鐫華

李北海有兩雲麾碑一李思訓一李秀官同姓又同
思訓碑在陝西秀碑在良鄉秦人著名墨鐫華者誤

以爲一碑且以此碑爲趙文敏所臨誤矣良鄉碑不知何時入都城宛平令掘地得六礎洗視乃雲麾碑建古墨齋以貯之不知何時又移至少京屯署中止二礎其四礎傳謂萬歷中京地王惟儉攜去汴中金石錄云明皇以天寶三年改年爲載今此碑元年正月立而稱元載附記之俟考

庚子第
夏記

右雲麾將軍李思訓碑文稱姪吏部尚書兼中書令集賢院學士修國史晉國公林甫攷唐書宰相表開元二十二年五月林甫自黃門侍郎爲禮部尚書同中書門下三品二十四年七月爲兵部尚書十一月

兼中書令然則北海製文當在廿四年已後而金石
錄實刻類編諸書皆題爲開元八年蓋因碑文有八
年六月廿八日合祔之文而不知祔葬之與立碑非
一時也顧文學言唐人日日二字同一書法惟日字
左角稍缺此碑謚曰昭公字兩見皆作日左角亦不
缺筆邕於思訓自稱族子然新舊史邕傳不言出于
宗室未知其審

潛研堂金
石文跋尾

按碑叙其先世前段已泐存者云至信徙于秦克
復其任子仲翔討叛羌狄道子伯考因家焉洎孫
漢前將軍廣子侍中口十四代孫嵩云云唐書宗

室世系表李氏出自嬴姓其後有名汪者秦將軍
生曇趙柏人侯入秦爲御史大夫生四子崇辨昭
璣崇爲隴西房官隴西守生二子次日瑤南郡守
狄道侯生信字有成大將軍隴西侯生超超生二
子次日仲翔河東太守征西將軍討叛羌于素昌
戰沒贈太尉葬隴西狄道東川因家焉生伯考隴
西河東二郡太守生尚成紀令因居成紀尚生廣
前將軍二子次日敢敢生禹禹生丞公丞公生先
先生長宗長宗生君况君况生本本生次公次公
生軌軌生隆隆生艾艾生雍雍生二子次日柔柔

生身身生祖相生嵩其世次之可考者如此碑云

曾祖下文泐下云諱叔良都此都字未詳原州長史華

陽縣開國公贈寧州刺史諱孝斌考宗室世系表

郇王房郇王稹陳留太守長平郡公二子長伯良

武陵郡王次叔良長平肅王叔良之子長郇國公

孝協次卽孝斌華陽郡公原州長史與碑作華陽

縣公者小異孝斌之子卽思訓然則孝斌爲思訓

之父叔良爲思訓之祖其曾祖卽郇王稹也碑載

思訓薨年已泐僅存開元字下乃云八年六月廿

八日合祔陪于橋陵園春秋六十六卽以開元八

年推之其生當在末徽六年則碑所謂鼎湖龍昇
當指高宗其履霜堅冰終風折木口詬俟時變名
求活南陽宗子未舉勤王西京宰臣不聞復辟者
曠十有六載云云是指武后臨朝誅唐宗室中宗
在房州等事也其時思訓纔三十餘歲其徵拜太
常寺丞加隴西邵公皆是中宗復辟時事則年已
五十餘矣橋陵爲睿宗之陵其姪爲林甫碑泐其
名兄弟之子稱姪始見此碑思訓兄弟諸子中官
位與碑合者惟林甫宗室表林甫爲思訓弟思諱
長子林甫之官吏部尚書兼中書令以宰相表攷

之在開元二十七年距合葬之歲垂二十年當葬時並無別故陪葬帝陵亦爲鉅典碑叙思訓之子雖多缺泐然核其文則福道復道昭道等似皆其存何以立碑蹉跎至二十年之久李邕書碑若在開元八年是左遷括州司馬時若在二十七八年是官北海太守日惜其署銜又泐不能確定其何時也雲麾將軍武散官從三品上階右武衛大將軍正三品官與階不甚懸殊思訓善畫號大李將軍是其工畫在武后臨朝變名求活之時而其得盛名在中宗復辟後歷官將軍之日然唐朝名畫

錄載其天寶中明皇召畫大同殿壁一事則傳譌
矣

華嶽精享昭應碑

碑高一丈廣四尺三寸十九行行四十九字隸書
灑題華嶽精享昭應之碑八字篆書在西岳廟

華嶽精享昭應之碑

宣義郎行華州華陰縣主簿平陽咸廩撰

夫神其止也虛其行也直是以感生焉夫祀其事也大
其馨也德是以福生焉維嚳有高屈兌曰華天作峻極
厥仞五千降靈集社密封王國故風雨肯若必應休明
玉帛之享亦豈其報致天人之味者功莫大焉

歲在
始維

皇帝以開元嗣極今八載也文德被武功成垂拱而天下理纘服而庶邦正於戲聖之配天不逆災祥之數而務脩其德天之降福或彰譴告之符而終與其譖是以成湯興而炎暎遘周宣懼而頌聲作間自日在奎雷始電迨乎畢春氣達萌芽山川如焚密雲不雨干耦適野胥病於失時百室崇墉將空於成歲

我皇畏昊天之神憫烝人之艱自郊俎宮靡神不舉乃分命舊相尚書許國公蘇頲以瑞祝之辭旅于西嶽將以蒙嘉氣獲豐年公時膺保衡代修衮職克承先正對

揚

王休

天子以才難九人

允歸同德公是用僉諸八座懋廣嗜咨有文章焉有禮
樂焉旣享冢位乃司宗伯實佐咏邦敬恭明祀爰屆爰
處威儀孔將闕是亭廟有來斯啟州命長史河東薛縉
俾焉協事於外宗人相禮展器執書告備於內肅雍萃
止宵艾並作幣尊六號玉川兩圭焚燎舉而禮容祗若
昧爽交而神光有榮粵三月庚申陳薦請也公已事復
命式道其歸時厥翌日旋於闕下車嶸嶸而響止履鏘
鏘而聲入則已滄周四溟澍洽千里拜獻純嘏天臨在
歡嘉公克誠神月影響

制書褒昧束帛有

差旣禱而祠古之義也丘不與祭

帝有恩

焉乃申命秩宗寵終厥事則有牲牲樂奏之備以昭配
焉癸卯告饗如前禮夫陰陽不測至妙也因變感情至
教也六府三事大功也四望六宗大禮也后王卿士如
彼歲月其道不易特惟康哉蘇公乃言曰惟

我后之德格于上下神哉其需今茲巨人可竊述
已於是重費以謀始因物呂書伐倬彼金石載刊其陰
俾夫後之敬事者知景福之攸在其辭曰

於鍊大華降神西峙惟王荒之配天有祀雲雨成物馨
香叶社明明
天子禧于愬陽肅肅蘇公

王命是將克誠攸亨離畢其悖年之用康祀

事惟政非昵非假禮崇其敬祠而報焉以永終慶惟靈
威味幽贊而生有豐者石刊之則貞蘇公作頌孔碩其
聲

殿中侍御史彭城劉升書

銀青光祿大夫檢校華州刺史上柱國李休光題額
右碑序頌華陰主簿咸虞為故相許國蘇文憲公頌
祈雨獲對而作者也侍御史劉升書按趙明誠金石
錄於唐碑搜訪殆徧而獨遺此升書亦僅一見於此

碑而已

并州山人蘇

此唐開元帝遣蘇頌禱雨華山有應而建碑也書者

爲御史劉升并見金石略僅二碑而遺此

石里
鐫華

華嶽精享昭應之碑其文卽刻於後周天和二年頌
碑之陰宣碑之右旁有顏魯公大字題名乾元元年
十月左旁有賈竦謁華嶽廟詩元和元年十月作并
書太和六年四月姪男宣義郎行華州叅軍叅重修
碑之下方亦有唐人題名此碑前後空處爲宋人攬
入題名甚多幸正文皆八分書題名或隸或行不相
混耳廟中古碑嘉靖末地震多毀唐碑惟此與述聖
頌二通僅存 古碑陰多無刻字故後周之碑而唐
人得以刻之觀此一碑而周人之質樸唐人之謙約

兩見之矣按此爲華陰縣主簿咸廩而新唐書趙冬
曦傳有大理評事成廩業亦開元時人恐卽是一人

金石文

字記

右碑彭城劉升書升素以書名如造觀音像徐州刺
史蘇洗碑行于世此碑隸法古勁無唐人習氣可愛
也金石錄補

密封王國是通字變走作走省爾爲尔也懋廣時咨
卽咨字增口爲日也旣亨家位當是亨字與銘詞中
克誠攸亨同帝有思焉是思字變比爲二口也三國
志注引會稽典錄吳孫亮時有山陰朱育依體像類

造作異字千名以上魏書太武帝始光二年三月初
造新字十餘頒之遠近以爲楷式故李仲璇修孔廟
碑魏孝文弔比干文之類皆雜用篆籀隸楷以及變
體別構之字然此風自唐以來久變不謂至開元時
劉君乃獨嗜之耳又碑中如皇帝天子等字或空四
字五字或空六字十字不一惟我皇及帝字平格前
天子字空六字銘文明明天子句又復平格皆不知
其義金石存

攷蘇頲以開元八年正月罷相爲禮部尚書本傳不
載遣禱兩西岳事闕之也碑左方又有八分書蓮華

魏巍竹箭喧庭浩浩今古憧憧往來十六字則銀青
光祿大夫守兵部尚書博陵郡開國公崔漢衡所題
而華陰縣令盧傲書其時興元元年十二月也又有
銀青光祿大夫檢校華州刺史上柱國李休光題額
二十字驗其字體亦出盧傲手蓋勒碑之後又六十
餘年而始題其額耳碑前兩行下半空處有貞元元
年二月檢校水部員外郎崔頰華州司功參軍鄭齊
明華陰縣令韋綬三人題名其下則宋元豐五年正
月通直郎劉陶題名碑中空處又有政和壬辰二月
顯謨閣直學士席旦及子奎益題名其餘明人題名

不及載

潘研堂金石文跋尾

碑在嶽廟尚全整金石文字記跋此謂古碑陰多無刻字故後周之碑而唐人得以刻之然攷水經注樊城西南有曹仁記水碑杜元凱重刻其後書伐吳之事蓋古人簡便不重煩如此又渭水內載漢文帝廟數碑一碑是建安中立漢鎮遠將軍段熲更修祠堂碑文漢給事黃門侍郎張昶造昶自書之魏文帝又刻其碑陰二十餘字此又碑陰刻字更在杜征南之前者若至近世磨滅往代碑碣欲以自張其迹未幾而亦頽殘作柱礎矣悲夫

授堂金石跋

按碑云歲在涪灘皇帝以開元嗣極之八載也歲
在申曰涪灘開元八年歲在庚申也下云問自日
在奎雷始電迨乎畢春氣達萌芽山川如焚密雲
不雨仲春之月日在奎則是一春大旱也兩唐書
元宗紀八年皆不書春旱而七年則舊史書七月
以亢陽日久上親錄囚徒新史書閏七月以旱避
正殿徹樂減膳慮囚五行志則并七年秋旱亦皆
不書史文之詳略不同如此資治通鑑則七年不
書於八年正月書大旱有魃優人作魃狀戲于上
前云云則八年之旱正月已然矣下云分命舊相

尚書許國公蘇頌以瑞祝之辭旅于西嶽傳稱頌
自景龍後與張說以文章顯稱望略等時號燕許
大手筆帝愛其文令別錄副本署臣某撰當雷中
此時以旱因令頌撰祝辭并往祈于西嶽也是年
正月頌罷相爲禮部尚書俄檢校益州大都督長
史碑故稱之爲舊相尚書而其禱西嶽則在未檢
校益州長史之前也撰文者宣義郎華州華陰縣
主簿平陽成巖開元時有成巖爲十八學士之一
圖形含象亭又成巖業唐書附趙冬曦傳由大理
評事入集賢院修撰坐事左遷餘杭令似與此撰

金石錄卷七十二
文之咸與皆不合姑識之書碑者殿中侍御史彭
城劉升唐書作劉昇附見劉德威傳云德威彭城
人德威子審禮審禮弟延景延景子昇開元中累
遷中書舍人太子右庶子能文善草隸似卽此劉
升惟不言其官殿中侍御史與碑不同耳篆額之
李休光無傳碑書用字俱闕筆作四

金石萃編卷七十三

賜進士出身 誥授光祿大夫刑部右侍郎加七級王昶

唐 三十三

本願寺舍利塔碑

碑連額高九尺二寸廣四尺二十四行行五十二字行書額題大唐本願寺舍利塔八字正書

宇宙之外有聖人焉乘時而來知變而逝道不可以終
喪故授之以像是以聖人之體見乎舍利聖人之容見
乎廟聖人之尊嚴見於塔三者廣大悉備聖人之化業
存矣曰鹿泉信士畢瑜張成道心之權焉者也歸或是
與聲塵若奔高尚淨名之事欽惟睿覽之風悉心勵行

屬意遐遠乃聚其族而令其家曰金玉束帛吾知之矣
適足以馳慮喪神不可以經綸界劫吾將庶崇妙事不
建靈塔百歲之後良無間然爾其念哉於是子孫咸跪
悅敬諾乃謀輿勝卜華敞周妥咨度遂定於本願之伽
藍焉旣其徇名山採貞石肅志潔慮以精以析旬有五
日果獲真美暉山韞玉渥靈含潤旣蹶旣發粲然可觀
軸而推之雷奔谷響千唱百和不植地而致焉乃鑿口
璞之口而礪之濁澤精密不瑕不磷密高下明廣輪壘
而成階積以曾峻颺蝶峯起嵯峨山磬周際溜合間不
容髮儼若地湧鬱猶渾成歸哉實荒劫之宏鎮也初真

策之設也思厥舍利岡知所請乃誠克念匪皇底寧斯
無所有送釋惠起所致者廿有四粒以屬焉旣獲厥心
豁若符契非夫靈聖默運其孰能與於此乎乃孝彛範
本元儀黃金其棺白銀其槨周以石篋櫬以琉璃香物
万選名花數百旣散旣屬封之奄之堅林之事宛然斯
在令范楊盧公字從運夫人滎陽鄭氏慨大師之永往
仰勝會而興懷雨泣輸誠大捨服翫士女千万徘徊獻
心延募金容觀全身而樹多福者信亦繁矣因斯而觀
則耳目之外界趣之中密逾周旋崇禱致遠者又惡可
得其源倪哉□□□四博鑿華龕製金容廣良業厥有

砥信昌言左右維南有佛實維慈氏畢公所立崇願將
來冀其下生北面而事爰有淨邑長老王□□□五十
二人欽若神界洗心安養清修其本式建彌陀乃西其
居以正厥位太原胡仙經弥勒于北所以發其蒙也高
昆明惠設能仁於東所以昭其本也四子各以其志競
心方面彫粹渥飾有休有倫庶綏四方奸魔自喪蕩蕩
幻境居然化淳嗟乎不覩於茲安知天地大寶之所在
也先是故寺主振法師故都維那知慈法師兼門之道
勝也寺主僧希名都維那僧惠仙上坐僧惠超威儀僧
道光法師僧智秀律師口道瑗律師僧湛寂前上坐頭

隨僧道解乃起合寺諸釋邾城長幼及篤信麴客良等
爲 國建釋迦石像於北殿其高二丈有八尺開
鑿啓發其功甚廣亦旣構立崇崇巖然煥乎金光寂矣
神峙紺目海視玉豪山轉衆美繁衍熊熊鏡天瓌壯偉
麗城中所絕左藥王右藥王其高廿有五尺二者蓋前
丞王務光張成之所造也渥彩耀靈光相暉炳峨峨抑
抑信生人之真救焉夫惟王公博孝之君子也母氏聖
善卒於茲邑銜恤在疚莫知所從以爲俎豆牲牢不足
以光贊營魄乃樹斯妙業以展寒泉之心相此則寶林
德水之必然也日 有唐開元八年繕理

畢經始于今廿有五載是時碑旣未倫而振孫俱歿王
以又徒職於壽陽法門智秀有恒其德仰茲廣業追惟
聚散恐歲月浸遠元由茂聞越九年作噩歲春仲望乃
與前塔合而爲頌宣之豐石以存萬古其詞曰

歸哉靈塔旣口其崇舍利內德光暉外融四德旣位万
德咸豐作鎮荒劫皇哉覺風萃彼曾廟有靈其疑擢擢
皇皇紫金雜色法雲亞聖左右翼翼旣清昏波與時偕
極真源淳淳合變而身矧茲像設又倍遺塵不有轍迹
孰知所臻勒銘金石作鎮天人

此碑獲鹿孫按察家掘地得之乃鹿泉信士畢瑜造

塔藏舍利者行草亦不惡石理脆亡其真耳

石罍
精華

北岳府君碑

碑連額高九尺六寸廣四尺九寸七分二十九行
每行四十七字行書顏正書在曲陽縣北岳廟

大唐北岳府君之碑

御史中丞韋虛心撰

宣義郎前邠王府叅軍直祕書省潁川陳懷志書

嘗試論之曰融為瀆結為阜則詞人之體物詳之矣智
樂水仁樂山則聖人之微言列之矣或乃叅里扇谷因
居以制号紫蓋白雉像形而定極分石帆而為破石對
射的而云射堂武關之啓地門下都之建天柱莫不万

彙斯毓五精是應必請魑魅之塗式作隱淪之宅傳諸
簡牒備乎聞見竊比岳宗自均魑父北岳恒山者北方
之巨鎮也尔其崗巒紛紜根底盤薄或壁立或砥平傍
匿干嶺下括衆壑瓊禽奇獸益虞之目駭不能名芳草
甘木乘輿之心計莫之數瓊膏石髓慶忌林兵時時聞
出往往迭見舒丹氣籠翠微蒼蔚朝躋披重壤以雲口
騷屑暮起吸万籟以風怒漢宗聽宋昌之策以諱遷常
趙主從姑布之談以賢臨代林麓之富何有何無但觀
夫粵容峭峙地勢塊軋迤太行而縣碣石負寒谷而面
水川限華夷之表裏壯宇宙之隘宮培塿九折胚胎四

口一佇望州載磔瞻魯崇嶽似畫匪陷危以增艱清廟
如在不加敬而自祗夫其重扃固護交軒密勿三閭四
表神漠漠以扶傾東序西廂心惇惇而發悸朱鳥拂棟
玉女窺牕藻績丹青侔赤城之霞起圖寫精異疑絳河
之仙集恍恍忽忽若陰若陽吁可畏乎其駭也以先天
二年有瀛州清苑縣人魏名確爰因行李至岳廟之前
乃見二人一者白衣一者紫服侍從甚肅進止不凡自
云我是五岳大使發兵馬六十万衆爲國討賊五岳大
神九月三日俱來此山大爲歡會名確遷延未去諸神
遂乃作怒牽至廟中用申責罰祝史楊仙童親見其事

乃馳告官司州將駭之隨以聞奏勅遣上官及內謁者齋神衣禮物以赴會期凡厥寮案共陪享祭惟神妙略遐舉猛銳長驅不勞戴鵠之師已決陣虵之効國家德邁堯封道兼虞覲盛唐入詠竭南服以登瀛訓夏從遊窮西荒以銘弁陲首貫甸之族俗有望雲文鉞碧帑之責府無虛月瘞峯沉渚不爽於告成五禮四朝自遵乎升道書云十有一月北巡守至於北岳豈不以崇挈秩之儀備矣得諸侯之度宏矣以爲不嚴而理本乎禮樂旣富而教寄以循良晤口棠之匡坐借長馮之高臥荆史高豫化以亂繩導規長者搯其宣布託諷虛儀一澄

睇於露冕幾揚仁於風扇長史嚴德珪司馬董口漢編
博達西蜀明其犯斗晉政記言南史推其直筆恒陽縣
令劉元宗系肇御龍位光馴雉蒲城務簡歎淹中以勿
欺丞王晏洛汭浮仙淮流襲慶楚國在壇之寶庚室豐
年之玉文章雄伯昔入仲宣之跪人物雌黃今得林宗
之拜主簿姚繪之尉閭宏搏扶逸嗣未遷振鷺之行縱
壑巨鱗且仕亨鮮之輔岳令司徒乾超和光偶俗內剛
外柔不附膏庾自安下仕瀛望等並海岳精靈燕趙奇
傑實從奕奕選徒於擁篲之賢氣調凜凜結友於負荆
之將平原旅食是日處囊太子新交乘風聽筑地極殷

早衮服如雲俗尙儒術青衿成市侶琴樽以卒歲優哉
遊哉狎泉石之娛老無營無欲手舞足蹈異口同音詢
墨客於千里標黃爾於億載故能屈蔡中郎之詞彩以
紀豐碑訪王右軍之神蹤以鑄金石其詞曰

土之聚兮成山山龍從兮石爛班屹常岳兮作鎮披重
壤兮聳千仞將觀日以齊宗兼極天而比峻跨荆巫迤
蓬壺挾慕容之舊都帶簡子之藏符列真字兮隱淪宅
巖花開兮樹菓坼旣口天地險又作華夷隔巖祠沕穆
神儀儼雅迫而察之駭人也雕楹翕翹兮赧駁綠雷清
冷兮露灑蘊虜咆哮口荐北郊岳靈赫怒兮殒落傾巢

銘十角於燕嶺，獲隻輪於晉嶠。皇道貞明，兮太階
平。梯山驟水，兮奄裨瀛。出豫兮勒功，成一巡肆，覲兮
考幽明，寄剖竹兮仁風。清台題與兮康哥，行郎出口兮
百里榮桓，不樂兮。安輕州縣，職兮人之英。恒碣降
神兮，岳之精。詢謀僉同兮，表志。披文相質兮，蹟堅貞。
懸一字兮，莫與京俾。千祀兮，昭令名。髣髴風塵兮，垂頌
聲。

開元九年三月廿六日立

碑陰

李復詩

十九行行
八字正書

五言 晚秋登恒岳晨望有懷 定州司馬李夔

二儀均四序五岳分九州靈造良難測神功匪易酬
恒山北臨代秀峯東跨幽瀕洞鎮河朔嵯峨冠嵩丘
禋祠彰舊典壇廟列平疇古樹侵雲密飛泉界道流
從官叨佐理銜 命奉琛羞薦玉申誠効鏘金諒
有山郊原照初日林薄委徂秋寒近風聲厲川長霧
氣收他鄉饒感激歸望切祈求景福如光願私門當
復侯

高述等題記

五行行十一字或十字
十二字不等左行行書

義武支度副使檢校秘書少監前易州刺史兼御史

大夫高述弟左贊善大夫兼御史中丞遇元和三年

四月三日同 禱祀

周載題記

四行行八字九字不等左行正書

義武軍節度掌書記監察御史裏行周載元和十年

三月十四日奉 命來祭

鄭志等題記

八行行十四字十三字不等左行正書

勅元和十一年十月八日立冬祭

初獻節度衙推將仕郎守試秘書省秘書郎兼殿中

侍御史前定州大都督府錄事參軍鄭志

亞獻將仕郎前守恒陽縣尉攝恒陽縣令兼防城兵

馬使李欽

終獻朝請郎前行汝州郊城縣尉攝恒陽縣主簿鄧公楚

薛鍛等題記

七行行十二十三字不等左行正書

勅大和五年九月廿四日立冬祭

初獻攝節度巡官朝請郎前試武衛兵曹參軍薛鍛
亞獻將仕郎守易州滿城縣令攝曲陽縣令顧文賞
終獻宣德郎前試左衛率府胄曹參軍攝曲陽縣尉
辛次儒

薛嗣立等題記

八行行十四十三字不等左行正書

勅大和七年九月十七日立冬祭

初獻節度巡官登仕郎試太常寺太祝騎都尉薛嗣立

亞獻將仕郎守易州滿城縣令攝曲陽縣令顧文賞
終獻鄉貢進士攝曲陽縣尉趙勤

太祝官節度逐要通直郎試邑王府長史攝曲陽縣尉并攝岳令李寬

又七行行十三字或十字
十一字不等左行正書

勅大和八年九月廿七日立冬祭

初獻節度巡官試太常寺太祝騎都尉薛嗣立

亞獻將仕郎守易州滿城縣令攝曲陽縣令顧文賞

終獻將仕郎前試太常寺奉禮郎攝曲陽縣尉趙勤

薛襄等題記

六行行十二字
十字不等正書

觀察推官試詹事府司直薛襄

前右武衛胄曹參軍薛誨

攝曲陽縣令薛護

開成五年八月廿六日奉 尚書潁川公命拜

北嶽廟禮畢而退

陳去疾題記

六行行十字十
字不等正書

攝節度判官權知州事給事郎前守蔡州司馬陳去

疾

會昌四年仲春月 幕府率由舊章去疾承 命

有事于 安天大王廿一日題

鄭放張宜悔等題記

判史鄭放 別駕李克嗣 宣義郎行恒陽縣丞張

宜悔 長史寇瓚 司馬張肅 專口官儒林郎行

恒陽縣尉李嗣元 錄事參軍畢彥孫 觀察支使

監察御史裏行薛襄

會昌四年八月七日奉 命秋祭

梁兢等題記

五行行十字
左行正書

真定中山府路廉訪使者梁兢同弟承信郎存挈家
恭詣 嶽廟修祠事宜和王寅歲臘月望日謹識

碑兩側

仇文義等題記

五行行二十二
十三字不等正書

易定監軍使正議大夫行內侍省內謁者監員外置
同正員上柱國南安縣開國男食邑三百戶賜紫金
魚袋仇文義

內養充易定別 勅判官朝議大夫行內府局令員
外置同正員上柱國奇章郡開國男食邑三百戶辛
廣祐

大和八年十月七日到祭 岳鑄記

薛康等題記

四行行二十一字二十字不等左行正書

勅開成元年九月十九日立冬祭

初獻觀察支使登仕郎試太常寺協律郎騎都尉薛
廖

亞獻儒林郎前行易州容城主簿攝曲陽縣令元沂
終獻將仕郎前試太常寺奉禮郎攝曲陽縣尉趙勤

李潛等題記

四行行二十一字十九字不等左行正書

勅開成二年十月一日立冬祭

初獻攝節度巡官朝請郎前試左武衛兵曹參軍李

潛

亞獻承奉郎試左衛兵曹參軍攝曲陽縣令趙斌
終獻文林郎試太子通事舍人攝曲陽縣尉元實

崔元藻等題記

四行行二十八十八十
六字不等左行正書

勅會昌四年九月十七日立冬祭

初獻攝易定等州觀察判官文林郎前試大理評事
兼監察御史崔元藻

亞獻攝館遞迎官將仕郎前守深澤縣令苗糾
終獻朝請郎前行曲陽縣尉攝尉李宏敏

高品等題記

七行行廿二廿
三字不等正書

維大宋 大中祥符二載歲次己酉四月丙戌朔八
內內侍省內侍高品出允宗奉 命馳騎於北嶽

安天王并真君親開啓祈雨道場各三晝夜罷散
日致祭設醮至二十五日迴鑄記

亞獻官右班殿直知曲陽縣兼兵馬監押公邊諸山
口寨巡檢勾管廟觀牛修已

終獻官本州節度推官宣德郎試大理評事高學古

惠價等題記

七行行廿四廿八
三十字不等正書

大中祥符三年八月十五日辛酉奉直郎守太子左
贊善大夫武騎尉賜緋魚袋惠價奉 命馳騎於

金不內卷一十三
北嶽祭告來春有事于 后土

亞獻宣德郎守殿中丞通判軍州兼制置營田勸農
事盧士宗

終獻右班殿直知曲陽縣兼兵馬監押公邊諸山口
寨巡檢勾管北嶽廟觀牛修已

攝太祝節度推官宣德郎試大理評事高學古

陳懷志此碑在李北海雲麾之下法華之上蓋以其

筋骨有餘而丰度微澁爾

蒼潤軒
帖跋

按開元禮諸嶽鎮海濱每年一祭各以五郊迎氣

日祭之前一日嶽令灑令清埽內外贊禮者設初

獻位于瓊東南亞獻終獻於初獻南少選祭日行事唐書禮儀志北岳恒山祭于定州文獻通考其牲皆用太牢祀官以當界都督刺史充此碑碑陰所紀祭日皆以立冬祭官皆定州守土者姓名分列三獻與諸書合也文述先天二年清苑人魏名確至岳廟前見二人云是五岳大使發兵六十萬衆爲國討賊九月三日俱來此山大爲歡會州將聞奏勅遣上官及內謁者齋神衣禮物以赴會期凡厥寮案其陪享祭云云事涉神異史志皆所不載考舊唐書元宗紀先天二年七月三日實懷貞

等與太平公主同謀期以其月四日以羽林軍作
亂上密知之皆執諸人斬之碑所謂爲國討賊者
殆指此事也碑文章虛心撰陳懷志書唐書韋湊
傳云虛心字無逸景龍中遷御史中丞歷荆潞揚
三大都督府長史入爲工部尙書東京留守累封
南皮郡子此碑開元九年立而猶題御史中丞則
其官中丞歷十餘年之久矣陳懷志史無傳其官
邠王府參軍唐書韋懷太子賢傳次子守禮嗣王
唐隆元年進封邠王懷志爲其府中參軍碑陰碑
側皆元和以後歷次祀官題記後有宋大中祥符

題記二段并附之 又按北嶽恒山在五嶽中最
爲橫亘綿長故起自山西之渾源州迄于直隸定
州之曲陽皆有恒山之名禹貢太行恒山至于碣
石入於海孔安國注二山連延至碣石也是恒山
與太行皆連延也管子云其山北臨代南俯趙東
接河漢之間胡三省通鑑注恒山挺峙于冀州之
中爲東西屏蔽巖穴高深道路險阻出奇者所必
由也山西通志云北嶽恒山在渾源州城南二十
里高十里周百三十里由恒山南行爲太行王屋
西南盡于河東行爲紫荆居庸而東北盡于海畿

輔通志云恒山在定州曲陽縣西北一百四十里
且保定府西境及山西大同府東境蓋曲陽之西
北近渾源之東南壤地不甚相遠也然稽之元和
郡縣志及兩唐書地理志惟于河北道定州曲陽
縣注有恒嶽有岳祠其今之渾源州在唐末謂之
渾源縣在隋為平寇縣地在兩漢魏晉為崞縣地
後魏改名為崞山縣後屬繁峙縣見大清攷元
一統志表
和志及兩唐書繁峙崞縣並屬河東道代州而無
渾源之名疑是後唐所置兩
五代史又不詳且注恒山在其縣
蓋在唐時專以恒山屬之曲陽也其渾源之立廟

始于前明馬文升之疏 本朝遂著爲定制文升
疏云恒山北嶽在今大同府渾源州歷秦漢隋唐
俱于山所致祭五代河北失據宋承石晉割賂之
後以白溝爲界遂祭恒山于真定府曲陽縣歷元
迄本朝因循未曾釐正文皇帝遷都北平真定反
在都南當時禮官不能建明尙循舊陋夫周禮曰
恒山爲并州鎮在正北一統志曰恒山在渾源州
南二十里又渾源廟址猶存故老傳說的的不虛
乞行禮部再加詳考於渾源州恒山廟舊址增修
如制云云顧寧人辨之曰古之帝王其立五嶽之

祭不必皆於山之巔其祭四瀆不必皆於其水之源也恒山綿亘幾三百里而曲陽之邑於平地其去山趾又一百四十里馬文升所以有改祀之請也考之虞書十有一月朔巡狩至于北嶽周禮并州其山鎮曰恒爾雅恒山爲北嶽注並指爲上曲陽三代以上雖無其迹而史記云常山王有罪遷天子封其弟于真定以續先王祀而以常山爲郡然後五嶽皆在天子之邦漢書云常山之祠於上曲陽應劭風俗通云廟在中山上曲陽縣後漢書章帝元和三年春二月戊辰幸中山遣使者祠北

嶽於上曲陽郡國志中山國上曲陽故屬常山恒
山在西北則其來舊矣水經注乃謂此爲恒山下
廟漢末喪亂山道不通而祭之于此則不知班氏
已先言之乃孝宣之詔太常非漢末也魏書明元
帝泰常四年秋八月辛未東巡遣使祭恒嶽太武
帝太延元年冬十一月丙子幸鄴十二月癸卯遣
使者以太牢祀北嶽太平真君四年春正月庚午
至中山二月丙子車駕至于恒山之陽詔有司刊
石勒銘十一年冬十一月南征逕恒山祀以太牢
文成帝和平元年春正月幸中山過恒嶽禮其神

而反明年南巡過石門遣使者用玉璧牲牢禮恒
嶽夫魏都平城在恒山之北而必南祭于曲陽遵
古先之命祀而不變者猶之周都豐鎬漢都長安
而東祭於華山仍謂之西嶽也故吳寬以爲帝王
之都邑無常而五嶽有定歷代之制改都而不改
嶽太史公所謂秦稱帝都咸陽而五嶽四瀆皆并
在東方者也隋書大業四年秋八月辛酉帝親祠
恒嶽唐書定州曲陽縣元和十五年更恒嶽曰鎮
嶽有嶽祠又言張嘉貞爲定州刺史於恒嶽廟中
立頌子嘗親至其廟則嘉貞碑故在又有唐鄭子

春韋虛心李荃劉端碑文凡四范希朝李克用題
名各一而碑陰及兩旁刻大歷貞元元和長慶寶
歷大和開成會昌大中天祐年號某月某日祭初
獻亞獻終獻某官姓名凡百數十行宋初廟爲契
丹所焚淳化二年重建而唐之碑刻未嘗毀至宋
之醮文碑記尤多不勝錄也自唐以上徵于史者
如彼自唐以下得于碑者如此於是知北嶽之祭
於上曲陽也自古然矣水經注曰上曲陽故城本
嶽牧朝宿之邑也古者天子巡狩常山歲十一月
至于北嶽侯伯皆有湯沐邑以自齋潔周衰巡狩

禮廢邑郭仍存秦以立縣縣在山曲之陽是曰曲
陽有下故此爲上矣而文升乃謂宋失雲中始祭
恒山于此豈不謬哉渾源之說始于文升自成化
以前初無此語渾源之廟並無古蹟不知作于何
時如泰山華山之上亦各有言而大廟俱在其下
特開陽相距稍遠而今制又分直隸山西二轄人
遂因此疑之疏中所云故老傳說正走見其不出
于史書而得諸野人之口也先是倪岳爲禮部尙
書已不從文升議而萬歷中沈鯉駁大同撫臣胡
來貢之請又申言之皆據經史之文而未至其地

子故先至幽陽後登澤源而書所見以告後之人
云按亭林此辨作于北嶽未定制之先今以其語
引據此碑爲證多所發明爲存其說附于此

吳文碑

碑僅存下截高三尺一寸廣四尺
二寸三十五行字數無攷行書

缺碑在京興福寺陪常住

缺大雅集 晉右軍將軍王羲之行書勒上

缺也肇自石樓東鎮守封司地之班金冊西符啓命將

軍之祿雖缺師中尉捨南宮之禁其或膽到如鐵擦緊

明霜酌龍豹之神韜缺榮名溢寰海功埤動植其誰由

然哉惟大將軍吳公諱文字才缺大夫行內給事父節

皇朝金紫光祿大夫行內常侍七貂缺之德是

使金鋪接慶玉璽丞官長戟榮於司官高門聰於寺伯

公缺雅局就於孩年量轉奇規英斷裁於稚齒源之乎

鵬之為鳥不飛缺法勵已荷公不私補過愕愕於宮闈

匪懈兢兢於夙夜缺勞撫公以秩授公文林郎適舉從

班也公謹密居體謙光潛旨問缺之賞非公而何冬十

二月又制轉公右監門衛大將軍建缺宸神龍

三年又制舉公鎮軍大將軍行右監門衛缺社

因以鋒交衛霍摧衝田實積雷步於朱軒跪龍

顏於青缺土之祿敢對敬

天子之休命也唐元

年又

制進封缺

之冊三階應歷八命騰還持大

義而不可棄保元勳而若無有則

缺

皇上欽腹心之寄

也公平均七政恭踐五朝樹德務滋脩躬

缺

成脩乃奏

乞骸骨身歸常樂

詔許公焉尙書謝病非無給

彩窺四序之留難秋蓬颯飛收百年之卷促賈長沙

之憤結庚鵬

缺

呼維公開國承祉正家崇秩葉嗣傳於

紫紉鼎胃曳於黃雲元戎

缺

魚之行乎大壑其量府也

黃金白玉兮滿君之北堂其實賢也虬

缺

風軌物傑臣

飛將其在公乎夫人恒國李氏圓姿替月潤臉呈花

缺

口七年十一月十二日先公而殞公以開元九年十月

廿三日備窆缺口落松局金雞鳴而春不曉玉犬吠而

秋以暮塵將軍於地下意氣缺口卧於平生窻帳殊於

窀穸則公夫人之顧命頗不合於雙棺焉於缺議大夫

行內常侍上柱國處行明姿監俗謹身從道元方長子

高缺郎行內僕局丞上柱國昇行及麻塵滓開心大乘

出俗網之三灾迴缺逆局丞騎都尉處昂等並痛切終

天悲銜散五雖復合蓮花萼聰缺口五色詞騰七步王

公在躬 聖主承知夢八門而出飛屈五缺

缺神出自天秀蓋非常人復禮由己依仁立身舉國擯

海公乎動鱗 缺 有珪詩按孟子相舉王稽南山之壽嶠

立其齊西山之照不意全 缺 伯銘金穎川故事遵揚德

音杳杳藤柳青青柏林旌勲表頌孝子 缺

缺 林郎直將作監徐思忠等刻字

菩提像一鋪居士張愛造

此碑斷缺棄西安城南隍中王生堯惠輩見之以語

郡守昇置類宮碑為大將軍吳文立宏福寺僧大雅

集右軍書余觀其筆法去聖教遠甚應是集字者不

及懷仁而碑中有開元九年字疑又從聖教序諸刻

中摹集非右軍真蹟也 石墨 鑄非

此碑却少上半其敘之人只存其名而已姓亦不存
集人大雅乃與福寺僧故世謂之與福帖其集王字
顧獨得其精神筋力儼如生動不比懷仁只得其形
模并其古澹之趣而已是以書家重之

墨林快事

其文有曰夫人李氏國姿春月潤臉呈花唐人寫狀
婦容云爾猶有碩人詩意今人以爲嫌不肯作此語

矣

金石文字記

此碑破碎視之已無碑形余手摩其文止餘□□□
字文已不可讀尙存宏福寺僧大雅集右軍書爲大
將軍吳玄立又有開元九年字若神鬼呵護並姓名

年代無一殘闕亦奇矣此石萬曆間王女學堯惠遊於西安府隍中見之亟語郡守移置頓宮余聞吾家有道碑遺一僑生布藍其下嘯賞良久一夕失所在跡之無蹤今刻惡道匿跡訖無傳之者與成土灰何異堯惠自我得之私諸己使石軍遺跡亡而復存

賢矣哉

金石史

古今碑刻集右軍書見諸載記者凡十八家皆從聖教序出此碑其最著者也

鐵函齋書跋

文中神龍三年下有所謂唐元年者應是唐隆元年

避元宗諱去一字耳

關中金石記

右鎮軍大將軍吳文碑失其上半有云長戟築于司
宮高門聯於寺伯又銘辭云詩徵孟子相舉王稽知
其爲內侍也文之祖內給事父內常侍其子或官內
常侍或官內僕局丞或官掖庭局丞身爲宦者何由
有兒而子孫相承至于四世蓋權勢所在必由附麗
以進內侍之養子恆爲內侍謬種流傳理之所宜有
者降至末季遂有以士大夫而願爲中官養子者矣
其云公夫人之顧命願不合於雙棺則文妻未嘗合
葬也史載高力士娶呂元晤女李輔國娶元攜女而
文亦有妻李氏然則唐之宦者固多有妻以宦者而

抑良家以爲辟合詭宜以同穴之禮責之也哉

潛研堂金

石文
破尾

碑斷立失其上半文多不屬其中推次成句者有云
以秩授公文林郎適舉從班也又制轉公右監門大
將軍神龍三年又制舉公鎮軍大將軍行右監門衛
又奏乞骸骨身歸常樂蓋以宦寺引年非怙寵於終
也其云平均七政恭踐五朝則上逮高宗皆已服事
宮掖矣後又云公夫人之願命願不合於雙棺願命
之義上下亦得通稱蓋起于葉公之願命又後漢書
趙咨傳子允不忍父體與土并合欲更改殯祇建譬

以顧命蔡中郎集朱公叔墓前石碑其孤野受顧命
陳太邱碑臨歿顧命司空臨晉侯楊公碑寢疾顧命
是也文諸子名位俱存于碑者三人行內常侍上柱
國處行行內僕局丞上柱國昇行口庭局丞騎都尉
處昇授堂金
石版

郭思謨墓志

石高廣各二尺五寸六分三十
行每行三十字正書今在洛陽

大唐故蘇州常熟縣令孝子太原郭府君墓誌銘并序
進士吳郡孫翌文

夫孝者百行之本故詩美張仲傳稱穎井所以執物而

前乎人用也悠悠千古誰其似之實我府君能錫類矣
公諱思謨太原平陽人其先出自有周豳封之隱史
謀詳之矣尔其隗以奇榮立丹以志業開泰以人倫稱
象以文學著蹟祉積慶世不隕德 曾王父昇周朝東
平將軍上儻郡守 大父則隨銀青光祿大夫尙書度
支郎中淮陵郡守隴右巡檢使遼鄙不聳寔資介胄之
雄儲侍已均方知會計之力專城無警奉使有光矣
嚴孝敬同 皇幽素舉高第養親不仕易曰幽人貞言
又曰素履無咎幽素之義其大矣哉 幽素府君有三
子其季曰 我公俱仁孝絕倫感通天地 太夫人嘗

有疾口羊肉時禁屠宰犯者加刑日號泣於旻天而不知其所出忽有慈烏銜糞置之階上故得以馨潔其膳猶疑其儻然他時憶菴蘿菓屬腐發之辰有類求芙蓉於木末不可得也兄弟仰天而歎庭樹爲之犯雪霜華而實矣 公取以充養且獻之 北闕于時 天后造周驚歎者久矣命史臣褒贊特加旌表無幾何憶新筍復如向時之菹結又無告焉後園叢篁忽筍而出所居從善里其竹樹存焉異乎哉書傳所闕者今見之矣 公始以孝子徵解褐拜定州安平縣丞下車未幾而東胡作孽虔劉我士卒撓亂我邊陲恒代之間亭候無守

河決非覆簣能制原燎豈負瓊可加而 公之小邑亦
受屠矣身被囚虜命懸鋒鏑出於萬死之中與其一切
之計大殺寇盜載完郭郭雖田單之復齊城曹沫之歸
魯地葦以過也招慰使奏加 公朱紱搗讓不受屬內
憂服闋轉江陽縣丞又應廉讓舉擢武功尉秩滿遷常
熟令凡佐三邑而峯一縣所居必化所在必理專務於
德夫何不減 公口二昆長日思誨易州司馬次日思
訓大理司直不永介福俱已先世遺孤凡十有三人或
在鬻亂或居襁褓公撫之育之出入腹之子漸乎義方
女嬪于他族人不知其諸父蓋孝悌之至也稟命不融

春秋五十九開元九年正月二日寢疾終於官舍以其
年十一月甲辰朔十七日庚申祔葬洛陽東門平川禮
也初 公娶于彭城劉氏無子而卒再娶河南元氏有
二女亦先朝露矣琴瑟不可以終徹享祀不可以無繼
又婚清河張氏故江州刺史嘉言之孫奉禮郎慎思之
女作配君子休有列光彼蒼如何殲我良人有子曰完
曰案俗傳幼冲未知飾終追遠之禮易州府君家嫡字
採他山之石昭銘景行其詞曰

循陔者子考行通神明家邦必達兮休矣清聲天難沉
斯考胡不永齡哀哀羣稚兮泣盡孤塋

開元九年孫翌撰并書石在洛陽城內董金甌家石

文字記

補遺

碑記思謨事母孝感異蹟及武后旌表之事云祔葬

洛陽東門平川碑中肉字作宀茂作薨皆異文宀字

見吳越春秋又見漢史晨後碑薨字見漢書表又以

上黨郡作上儻因知儻卽黨字之俗故漢書侗儻只

作似黨也孫翌字季良偃師人所撰又有高禰墓志

在長安題云麗正殿修撰孫翌季良曾要稱其以校

書郎爲集賢院直學士

中州金石記

郭君思謨與思訓昆弟也前思訓誌載曾祖興周上

黨郡守平東將軍此誌獨以爲名昇莫識所謂思謨
始以孝子徵解褐拜定州安平縣丞轉江陽縣丞擢
武功尉遷常熟令又載其仁孝之感慈烏銜肉菴蘿
冬實取以供母當時上之天后命史臣褒贊又云憶
新筭叢篁忽苞而出從善里竹樹存焉孝感如此而
新書孝友傳不附其名或者亦飾爲之與思謨父幽
素舉而身又應孝讓舉以見唐制之繁如此

授堂金
石跋

按郭思謨兩唐書無傳碑敘其曾王父昇大父則
考孝同亦俱無攷下云皇幽素舉高弟皇謂皇朝
也幽素舉者舉幽素科也文獻通考唐制科名目

及中制科人姓名惟載乾封元年一條幽素科蘇
瓊解琬苗神容格輔元徐昭劉納言崔谷神及第
並無郭敬同姓名前後亦別無舉幽素科之事碑
云菴蘿菓屬感發之辰兄弟仰天而歎庭樹爲之
犯雪霜華而實矣法苑珠林龍告如來言吾憶往
昔曾于寺舍中入樹林下盜取現在僧物十菴羅
果而私食之本草菴蘿菓樹生若林檎而極大又
名菴摩羅伽果然皆不言實于何時要之非隆冬
所有也碑云天后造周公始以孝子徵解褐拜定
州安平縣丞下車未幾而東方作孽公之小邑亦

受屠矣云云唐書則天紀聖歷元年八月突厥寇
定州刺史孫彥高死之碑載思謨爲安平丞殺寇
盜完郭郭卽是時也

李文安石浮圖銘

碑高三尺九寸七分廣二尺九寸五分十八行行廿二字行書

大唐易州新安府折衝李公石浮圖之銘

夫至道潛運不言而化成大象孕靈不宰之功遂斯則
神元妙蹟雖日用而莫知况耳目不該豈視聽之能識
由是給園多士並赴緇林方丈比正威歸奈苑有想非
想住法非常樂之宗色空卽空生滅豈菩提之果於是

清信士易州新安府折衝都尉李文安遊心正覺妙達
苦空知勞生之有涯設津梁於彼岸迺於范陽縣西雲
居寺爲亡妻河東郡君薛氏敬造石浮圖一所旁求琬
御形岫爲之拱琛遠召良工班輸以之呈巧盤螭隱伏
與雲絳而相交靈鳳將翔共陽鳥而接翼飛空七級狀
多寶之移來騰虛四迴疑衆仙之涌出兼以山含萬象
地韞靈奇潭沼澄光似猴池之浴日松枝引籟若祇樹
之吟風衆妙難名約敷厥美冀同拂石万劫茲山銘曰
麗哉摩薛出矣崑山磨礪不日神儀婉然亭亭淨域峩
峩給園光浮十界色照三天一衆妙功德莫惟斯重鏤

鳳傍矯雕龍上聳買地有莫福田無種利益潛通存沒
偕奉

開元十年四月八日建

易州前遂城縣書助教梁高望書

奉先寺像龕記

碑高四尺廣二尺三寸三分共

二十行行二十八字左行行書

河洛上都龍門之陽 大盧舍那像龕記

大唐高宗天皇大帝之所建也佛身迎光座高八十五

尺二菩薩七十尺迦葉阿難金剛神王各高五十尺粵

以咸亨三年壬申之歲四月一日 皇后武氏助脩

粉錢二萬貫奉

勅檢校僧西京實際寺善道禪師

法海寺主惠暎法師大使司農寺卿韋機副使東面監
上柱國樊元則支料匠李君瓚成仁威姚師積等至上
元二年乙亥十二月世日畢功調露元年己卯八月十
五日奉 勅於大像南置大奉先寺尚召高僧行解
兼備者二七人闡卽續填創基住持軌法英律而爲上
首至二年正月十五日 大帝書額前後別度僧一

十六人並戒行精勤住持爲務恐年代綿邈芳紀莫傳
勒之頌銘庶貽永劫云尔 佛非有上法界爲身垂形
化物俯迹同人有感卽現無罪乃親愚迷未隔唯憑信

因寔賴我 皇圖茲屢質相好希有鴻顏無匹大慈
大悲如月如日瞻容垢盡祈誠頓畢正教東流七百餘
載口龕功德唯此為最縱廣考十有二丈矣上下考百
冊尺耳

牒 勅旨龍花寺宜合作奉先寺

開元十年十二月五日

河南縣 牒奉先寺

牒被符奉 勅旨如右請錄白人司施行牒舉者

牒寺准狀者今以狀 牒牒至准狀故牒

開元十年十二月十二日史樊宗牒

水經伊水出南陽縣西東北過陸渾縣南又東北過
伊闕酈道元注昔大禹疏以通水兩山相對望之若
闕春秋之闕塞是也韋應物詩鑿山導伊流中斷若
天闕而司馬君實之言曰龍門伊闕天所爲非山橫
其前水壅其流禹始鑿之然後通也斯言其信矣夫
山有八寺其一曰奉先像建自咸淳三年而以調露
二年賜額蓋闕去洛陽二十五里而近兩岸洞龕佛
像累千合夾侍坐立者幾盈萬此杜少陵詩所云氣
色皇居近金銀佛寺開也碑闕書者姓名或云袁元
哲按考正續書之康熙戊子竹垞八十翁孫尊識

亭集

右大盧舍那像龕記後附開元十年十二月牒云勅
旨龍花寺宜合作奉先寺蓋調露賜額本云龍花寺
記作干開元中追稱爲大奉先寺爾婁機漢隸字原
云漢碑凡元亨字皆作享至于孫享之之類又皆作
亨收之九經字樣凡元亨之享享獻之享烹飪之烹
只是一字經典相承隸省作享者音習作亨者音赫
平又音魄平後人復別出烹字其實皆可通用也予
初見張阿難碑書成亨爲成享疑其下筆之誤今此
碑亦作享又唐書杜審言傳稱成享初蓋唐時雖用

楷書猶存篆隸遺法咸亨卽咸亨正是從古朱錫鬯
跋誤作咸淳不知高宗紀元有咸亨有永淳無咸淳
也記末題進士都仲容記字體頗不類左旁又有政
和六年題字以筆法驗之如出一手皆宋人所添入

也

潛研堂金石文跋尾

盧舍那者釋元應大方廣佛華嚴經音義云或云噓
祐那亦言盧折羅此譯云照謂徧照也以報佛淨色
徧周法界故也又日月燈光徧周一切處亦名盧舍
那其義是也記文左行按左行之體仿于瘞鶴銘當
由厓上書丹手勢便利耳此亦用之疑當時牒文之

體後卽牒也記爲殷仲容撰仲容曾摹孔子十字篆書之人準字作准後人以爲避寇萊公諱至今用之據此碑已然按元重刻漢桐柏淮源廟碑云准則大聖五經文字云字林作准元應賢劫經音義准平注說文作準同則明准字自古有之俗云避寇準諱顧炎武又以爲宋順帝名準故沈約宋書平準令王準之皆作准蓋未然矣

中州金石記

按奉先寺河南通志寺觀卷河南府奉先寺在府城西南三十里闕塞山後魏時建似卽此碑所在之奉先寺通志特未詳言咸亨造像調露建寺之

事耳想調露時因後魏寺址而施功也自咸亨三年四月造像至調露二年書額前後閱十年而歲事也造像則皇后武氏助脂粉錢二萬貫攷太真外傳楊太真有姊三人明皇並封國夫人之號皆月給錢十萬爲脂粉之資据此碑則武氏已先有脂粉錢之給矣又或謂之粧粉錢白香山詩四季徒支粧粉錢是也記後刻開元十年牒文碑無撰書龕記人名中州金石記謂爲殷仲容撰書舊唐書稱仲容則天愛其才官至申州刺史則當開元十年仲容之在亾不可知矣疑書龕記在調露二

年建寺之時而立碑在開元十年給牒之時也然
記末云縱廣方十有二丈矣上下方百卅尺耳文
體鄙拙仲容不至如是疑寺僧託名也

尉行忠造像記

記刻座上刻記處高三寸五分廣
二寸五行行八字十字不等正書

開元十一年五月五日尉行忠妻為亡男設 七齋敬
造浮圖一塔又術故像一 區合家一心供養 仏時

珪禪師塔記

石高一尺四寸橫廣二尺
十五行行十二字隸書

大唐嵩岳閑居寺故大德珪禪師塔記

大師諱元珪李氏河南伊闕人也上元式載孝敬崩度
諫寺焉宿殖德本無師自悟及少林尊者開示大乘捨
稟至道晚年居鹿塢阿蘭若遠近精素受道者不復勝
記至開元四年歲次景辰秋八月甲辰朔十日癸丑終
于鹿塢春秋七十有三十三日景辰權厝于寺北畝之
東至十一年歲次癸亥秋七月乃營塔於浮曷東嶺之
佐大師味淨之所而庭栢存焉癸巳晦奉遷于塔從僧
儀也弟子比丘僧仁素等刊此貞石以旌不朽

娑羅樹碑

碑本高廣尺寸行字俱不
計行書石在淮安府治

楚州淮陰縣娑羅樹碑

并序

海州刺史李邕文并書

觀厥好德存樹愛人及鳥有情不忘雖小可作夫施及
者也則有宗廟加敬墟墓增悲觀物可懷比事斯廣此
觸類者也矧乃通感靈變應符聖迹根桓淨土碩茂
佛時燭金山之景彰照玉象之殊相至若泥日法會荼
毗應身妙有雙樹之間光覆僧祇之衆安可混曜散木
比列清林議上茅之挺生喻堅固之神造者也娑羅樹
者非中夏物土所宜有者已娑娑十畝映蔚千人密幄
足以綴飛鸞高蓋足以却流景惡禽翔而不集好鳥止

而不巢有以多矣然深識者雖徘徊仰止而莫知冥植
博物者雖沉吟稱引而莫辨嘉名華葉自奇榮枯嘗異
隨所方面頗徵靈應東庠則青郊苦而歲不稔西茂則
白藏泰而秋有成唯南匪他自北常尔或季春肇發或
仲夏萌生早先粵隨晚暮儉若且槁莖後吐芬條前秀
差池旬日奄忽齊同無今昔可殊非物理所測古老多
恠時俗每驚巫者占於鬼謀議者惑於神樹證聖載有
三歲義淨還自西域逮茲中休信宿曰依齋或瞻歎演
夫本處徵之舊聞源其始也榮灼道成之際究其末也
推歲薪盡之餘或森列四方或合并二體常青不壞應

現分榮變自有終不滅同盡昔與釋迦蔭首今爲羣生
立緣夫 佛病從人大慈感故樹萎回物深悲理然
化能分身半枯卽是心有合相後茂還齊宜其表正聖
神靈貺品彙以變見一攝而稱讚十方者也淮陰縣者
江海通津淮楚巨防弥越走蜀會閩驛吳七發枚乘之
丘三傑楚王之窟勝引飛轡商旅接觸每至同雲冒山
終風振壑宦子惕息稿工疚懷魚貫迺其萬艘霧集盆
於曾渚莫不膜拜關遠焚香護持復悔多尤迴祈景福
於是風水相借物色同和挂帆啓行方岫駿邁浮山嵒
起而疏巘慶雲亂飛而比峰雖電影施鞭夸父杖策冈

可喻其神速曷云狀其豁快者哉州牧宗子名仲康廣
孝惟家大忠形國播清政以主郡儀古式以在人知微
知章有禮有樂別駕扶風竇公名誠盈盛門貴仕懿德
令名利用以序生明略以營道上交不諂下交不黷司
馬宗子名景虛受賢交幹用柔克退遂中律先後自公
且觀麟之之詩未鷹襲子之任邑宰清河張公名松質
藪自雉節忽乎博聞始於能賦而彰中於成器而立牧
人通急徇物合摧威肅懾於神明慈惠安其父母豈伊
政理自有寸名莫不淨慮一乘追攀八樹歎後植而多
感惟化生而永懷大啓上緣率心檀施碩德道暉寺主

道塵上座道綯都維那曇一等皆妙覺圓常釋門上首
痛金棺而既往馭堅林而在茲卿望司徒塵蔭戴履景
王應珪張仁藝王懷儼劉元隱沈信詳等夙悟大師深
入實際勤行進力護供莊嚴揚州東大雲寺法師希塵
廣派法流固極德本戒行有以鎮浮俗利言有以誨蒙
求既憑藉於衆心亦謀明於獨得是標靈跡乃建豐碑
其詞曰

政化之理兮甘棠猶存寶乘之妙兮娑羅是敦欽厥道
成兮八相克尊感乎示迹兮一歸可門與 佛合緣兮
榮落同時歎尔化生兮感變誰思休徵各徵兮伺察不

欺流俗莫識方綿曠驚疑土人西遐方觀止增悲發皇
靈應方堅固在茲方國傳聞方想象悽其迴首正信方
頂禮護持優曇千年方曷足議之

開元十一年十月二日建

刻石東海元省已

李公邕在唐有詞翰名其所書娑羅樹碑尤奇余浮
淮問之無有也豈遭兵燹邪吳子承恩偶得舊刻一
紙出以示余余讀而愛之夫泰和書法品者等河岳
固虔禮清臣之匹乃比茲樹於甘棠中多名言云吳
子從衛善書法以爲此北海真筆中脫十餘字今所

傳者多贗本耳余刻諸石李書不見海內卽蒲城雲
麾碑久斷劉公遠夫用鐵束完之而楊用脩以爲有
神物護持安知娑羅之存顧不有神乎且徐公子與
書來言二吳高士咄咄仲舉設榻待之可也余懷日
苦水旱深愧其言今碑成于二仲之手亦郡邑奇事
也

明隆慶壬申秋日

沔陽陳文燭藁

張弔曰其末曰一歸可門可門者何門也考說文誰
何之何本單作可其从人者則爲僭何之何易何校
滅耳詩何蓑何笠爾雅何鼓謂之牽牛是也後借爲

誰何之何更以擔荷爲僮何字字日繁而忘其本矣

此文以可爲何可見開元時文字尙存古法

金石文
字記

去臺懷二十餘里有古樹高二丈許枝幹盤虬相傳
爲娑羅樹也廣韻作杪樞盛宏之荊州記巴陵縣南
有古寺僧房床下忽生一木隨伐隨長道人移房避
之木長便進但極婉秀有外國沙門見之名爲娑羅
也彼僧所憩之蔭常著花細如白雪段成式酉陽雜
俎天寶初安西道進婆羅枝唐李邕楚州淮陰縣娑
羅樹碑娑娑十畝蔚映千人云云洪邁容齋隨筆宣
和中向子謹過淮陰見此樹今有二本方廣丈餘葢

非故物矣吳興芮國器有從沈文伯乞娑羅樹碑詩云楚州淮陰娑羅樹霜霧榮悴今何如能令草木死不朽當時爲有北海書荒碑雨侵澀苔蘚尙想墨本傳東吳正賦此也

高士奇扈從西巡日錄

右娑羅樹碑娑羅本西域之木不知何時移植淮陰土人莫之識也武后證聖中僧義淨還自西域過而名之開元中李北海始爲之記碑石久亾明隆慶壬申沔陽陳文燭知淮安府得舊搨本重刻于郡齋陳所得者裝界之本卽用橫石刻之故行款皆失其舊唐人碑惟國子學九經橫刻取其便于諷誦此外無

橫刻也余本有食遮切之音茶从余聲尔正檀苦茶
卽茶茗字也茶乃茶之省文流俗誤分茶茗爲二此
碑茶毗字作茶可見唐人猶識古音也邕自海州刺
史新舊史本傳俱失載碑云州牧宗子仲康者高平
王道立之孫由主客郎中出爲楚州刺史其云司馬
宗子景虛則宗室表所未載也寶誠盈官至青州刺
史見宰相世系表金石錄有張松質與李邕書碑所
載邕宰清河張公松質卽其人也

潛研堂金
石文跋尾

按李邕書各碑題銜皆有可疑者少林寺戒壇銘
開元三年立是邕左遷括州司馬時而題括州刺

史已於彼碑辨之詳矣葉有道碑開元五年立亦
題括州刺史又於彼碑闕疑識之修孔子廟碑開
元七年立邕撰文而題守渝州刺史史不載此官
惟雲麾將軍李思訓碑無立碑歲月題銜及姓名
俱泐然傳世已久信是邕書固無庸辨此碑立于
開元十一年十月以邕傳稽之當是由括州司馬
起爲陳州刺史時以下文帝封太山還邕見帝汴
州事在開元十三年則十一年當守陳州也而碑
乃云海州刺史此碑係重刻本不能信其無誤假
使不誤則邕碑之署銜與史不合者多矣太平御

覽引魏王花木志曰娑羅樹細葉子似椒味如羅
勒嶺北人呼爲大娑羅此碑文云至若泥日法會
茶毗應身妙有雙樹之間喻堅固之神造云云翻
譯名義集云娑羅此云堅固北遠云冬夏不改故
名堅固西域記云其樹類斛而皮青白葉甚光潤
四樹特高華嚴音義翻爲高遠其林森聳出於餘
林也後分云娑羅林間縱廣十二由旬天人大衆
皆悉徧滿尖頭針峯受無邊衆間無空缺不相障
蔽大經云東方雙者喻常無常南方雙者喻樂無
樂西方雙者喻我無我北方雙者喻淨不淨四方

金石錄卷七十三
各雙故名雙樹方面皆悉一枯一榮後分云東方
一雙在於佛後西方一雙在於佛前南方一雙在
於佛足北方一雙在於佛首入涅槃已東西二雙
合爲一樹南北二雙亦合爲一二合皆悉垂覆如
來其樹慘然皆悉變白此碑所云皆本此也